



Broj: 02-02-198/26-15
Jablanica, 06.04.2026. godine

Bosna i Hercegovina
Federacija Bosne i Hercegovine

PARLAMENT FEDERACIJE
SARAJEVO

PARLAMENT FEDERACIJE BOSNE I HERCEGOVINE

⊖ Predstavnički dom –
⊖ Dom naroda -

Primljeno:	07-04-2026		
Org. jed.	Broj	Priloga	Vrijednost
01,02	-02-	915	/26

PREDMET: Prijedlog za izmjenu Prijedloga Izmjene Zakona o gasovodu "Južna interkonekcija Bosna i Hercegovina i Republika Hrvatska, traži se

Poštovani,

Zaključkom Općinskog vijeća Jablanica, broj: 02-02-198-24/26-15 od 29.01.2026. godine, Općina Jablanica je izrazila podršku projektu izgradnje plinovoda "Južna interkonekcija Bosna i Hercegovina i Republika Hrvatska" na pravcu Zagvozd (Republika Hrvatska)–Posušje (Bosna i Hercegovina)–Tomislavgrad–Šuica–Kupres–Bugojno–Novi Travnik/Travnik i pravcu Posušje–Široki Brijeg–Mostar, sa odvojcima prema Livnu, Gornjem Vakufu–Uskoplju i Jajcu, kao strateškom energetsom projektu od značaja za energetska sigurnost, privredni razvoj, zaštitu okoliša i regionalnu stabilnost Federacije Bosne i Hercegovine

Istim Zaključkom Općina Jablanica je iskazala interes za priključenje na gasnu mrežu u okviru navedenog projekta.

U skladu sa razmatranjem Prijedloga Izmjene Zakona o gasovodu „Južna interkonekcija Bosna i Hercegovina i Republika Hrvatska, ovim putem obraćamo vam se s ciljem pokretanja amandmanskog djelovanja na prijedlog Izmjena Zakona o gasovodu „Južna interkonekcija Bosna i Hercegovina i Republika Hrvatska, kako bi se u isti uvrstila i općina Jablanica.

Smatramo da bi uključivanje općine Jablanica u ovaj strateški energetska projekat imalo višestruke koristi, kako za lokalnu zajednicu, tako i za širi region Federacije Bosne i Hercegovine. Prije svega, time bi se osigurala diversifikacija izvora snabdijevanja prirodnim gasom, povećala energetska sigurnost, te stvorili preduslovi za ekonomski razvoj i privlačenje novih investicija.

Općina Jablanica, zbog svog geografskog položaja i infrastrukturnog potencijala, predstavlja logičnu i opravdanu tačku uključivanja u trasu interkonekcije. Dodatno, uključivanje ove općine doprinijelo bi ravnomjernijem regionalnom razvoju i smanjenju energetska razlika između pojedinih dijelova Federacije BiH.

U tom smislu, predlažemo da se kroz amandmane na relevantni zakon ili provedbenim aktima izvrši dopuna trase ili planirane mreže na način da se obuhvati i općina Jablanica.

Molimo da ovu inicijativu uzmete u razmatranje prilikom daljnje parlamentarne procedure, te da podržite rješenja koja doprinose dugoročnoj energetska stabilnosti i razvoju svih dijelova Federacije Bosne i Hercegovine.

Prilog: Zaključak Općinskog vijeća Jablanica, broj: 02-02-198-24/26-15 od 29.01.2026. godine.

OPĆINSKI NAČELNIK

Edin Muratović

S poštovanjem!

Dostaviti:
1. Naslov
2. a/a



PREDSJEDAVAJUĆI OV-a
mr. sc. Edin Idrizović





Broj: 02-02-198-24/26-15
Jablanica, 29.01.2026. godine

Na osnovu člana 18. Statuta Općine Jablanice („Službeni glasnik Općine Jablanica“, broj: 2/09, 8/16 i 2/20), Općinsko vijeće općine Jablanica, na 15. redovnoj sjednici održanoj dana 29.01.2026. godine, donijelo je

ZAKLJUČAK

Član 1.

Općinsko vijeće Jablanica izražava podršku realizaciji projekta izgradnje plinovoda "Južna interkonekcija Bosna i Hercegovina i Republika Hrvatska" na pravcu Zagvozd (Republika Hrvatska) – Posušje (Bosna i Hercegovina) –Tomislavgrad–Šuica–Kupres–Bugojno–Novi Travnik/Travnik i pravcu Posušje–Široki Brijeg–Mostar, sa odvojcima prema Livnu, Gornjem Vakufu–Uskoplju i Jajcu, kao strateškom energetsom projektu od značaja za energetska sigurnost, privredni razvoj, zaštitu okoliša i regionalnu stabilnost Federacije Bosne i Hercegovine.

Član 2.

Općina Jablanica izražava interes za priključenje na plinsku mrežu u cilju povećanja energetske sigurnosti, stvaranja povoljnih uslova za razvoj privrede, posebno industrije, smanjenja zagađenja okoliša i prelazak na ekološki prihvatljive energente, dugoročno smanjenje troškova energije za javne objekte, preduzeća i domaćinstva.

Član 3.

Razvojni efekti projekta Južne plinske interkonekcije bit će maksimalni ukoliko se realizacijom obezbijedi priključenje centralne i sjeverne Hercegovine, a posebno grada Konjica i općine Jablanica.

Zbog svog geografskog položaja i razvojnog potencijala sjeverne Hercegovine osnovano se zaključuje da je izgradnja regionalnog plinovoda za povezivanje Konjica i Jablanice sa plinskom mrežom nužan, logičan i tehnički opravdan nastavak projekta Južne plinske interkonekcije.

Član 4.

Posebno se ističe da ovaj projekat ima izuzetan značaj za Općinu Jablanica, imajući u vidu činjenicu da je Jablanica, promjenom trase autoputa na Koridiru Vc, ostala bez direktnog priključka na autoput, čime je dovedena u nepovoljniji infrastrukturni razvojni položaj.



Priključenje Jablanice na plinsku mrežu predstavlja opravdan oblik infrastrukturne i razvojne kompenzacije, kojim se nadoknađuje dio izgubljenih potencijala i jača ukupna privredna i energetska i ekološka pozicija Općine.

Ovaj projekat će otvoriti mogućnosti za nove investicije, povećanje zapošljavanja i jačanje lokalnog turizma i drugih privrednih sektora.

Član 5.

Općina Jablanica izražava spremnost da, u okviru svojih nadležnosti i mogućnosti, učestvuje u daljim aktivnostima, te ostvari punu saradnju sa nadležnim institucijama i nosiocima projekta.

Član 6.

Ovaj Zaključak stupa na snagu danom donošenja, a objavit će se u „Službenom glasniku Općine Jablanica,,.



PREDSJEDAVAJUĆI OV-a
mr.sc. Edin Idrizović

Dostaviti:

1. Vlada Federacije BiH
2. Ministarstvo energije, rudarstva i industrije FBiH
3. BH-Gas d.o.o. Sarajevo